

18-11-2025

- आंध्र प्रदेश दे अल्लूरी सीता रामा राजू जिले च होए दे इक टाकरे च सिरे दे कमांडर मांडवी हिडमा सने 6 माओवादी मारे गए।
- प्रवर्तन निदेशालय नै दिल्ली ते राष्ट्री राजधानी आहले क्षेत्र दे अल फला समूह कन्नै जुडे दे 25 थमां मती थाहें पर छापेमारी कीती। एहू छापेमारी लाल किले कश होए दे धमाके दे सरबंधै च ही।
- राष्ट्रपति द्रौपदी मुर्मू होरें पानी दी उपलब्धता ते सुरक्षा यकीनी करने आस्तै सारेंगी रलिये कम्म करने दा आग्रह कीता। उनें अज्ज 6में राष्ट्री जल पुरस्कार भेंट कीते। महाराष्ट्र नै पैहली थाहर हासिल कीती।
- भारत नै औद्योगिक बदलाव च तेजी आहने आस्तै मजबूत वैश्विक सांझेदारी दा आह्वान कीता।
- वित्त मंत्री निर्मला सीतारमण होरें पूंजी बजार दे नेताएं कन्नै बजट थमां पैहले आहला विचार विमर्श कीता।
- ते संयुक्त राष्ट्र महासचिव एंटेनियो गुतेरेस होरें बंगलादेश दी साबका प्रधानमंत्री शेख हसीना होरें गी मौत दी समाज सनाए जाने दा बरोध कीता ऐ।

<><><><><><>

AD Moaists Killed

माओवादी बरोधी अभियानें च सुरक्षाबलें गी इक महत्वपूर्ण सफलता हासिल होई ऐ। आंध्र प्रदेश दे अल्लूरी सीता रामा राजू जिले च आंध्र छत्तीसगढ़, ओडिशा सीमा कश मारेडुमिली दे जंगलें च अज्ज बडुलै होए दे टाकरे च सिरे दे कमांडर मांडवी हिडमा सने 6 माओवादी मारे गए। आंध्र प्रदेश दे पुलस महानिदेशक हरीश कुमार गुप्ता होरें दस्सेआ ऐ जे माओवादिएं दी गतिविधिएं बारै च खुफिया जानकारी थहोने मगरा एहू टाकरा होआ। उनें आखेआ जे अभियान दरान कोई सुरक्षाकर्मी घायल नेई होआ। बस्तर रेंज दे पुलस महानिरीक्षक सुंदरराज पी नै हिडमा दी मौत गी उग्रवाद बरोधी अभियानें च इक बड्डी सफलता दस्सेआ। टाकरे आहली थाहर थमां ए.के 47 रफल ते विस्फोटक सने हथियार बरामद कीते गए। विजयवाड़ा च महिलाएं सने 27 संदिग्ध माओवादिएं गी गिरफ्तार कीता गेआ ऐ।

<><><><><><>

ED

प्रवर्तन निदेशालय नै अज्ज दिल्ली ते राष्ट्रीय राजधानी क्षेत्र दे अल-फलाह समूह कन्नै जुडे दे 25 थमां बद्द परिसरें दी तपाशी लैती। एहू तपाशी अभियान वित्तीय अनियमितताएं, शैल कंपनियें दे इस्तेमाल, आवास संस्थाएं ते धन-शोधन दी चला'रदी जाँच दा हिस्सा ना। निदेशालय नै आखेआ ऐ जे ओहू समूह कन्नै जुडी दी 9 शैल कंपनियें दी जाँच करा'रदी ऐ जेडियां सब्बै इक्क गै पते पर पंजीकृत पते

ना अल-फलाह ट्रस्ट ते सरबंधत संस्थाएं दी भूमिका दी जाँच कीती जा'रदी ऐ। एहदे अलावा विश्वविद्यालय अनुदान आयोग - यूजीसी ते राष्ट्रीय मूल्यांकन ते प्रत्यायन परिषद - एन.ए.ए.सी. मान्यता कन्नै सरबंधत दावें च मुख् विसंगतियाँ पाई गेइयां ना निदेशालय नै आखेआ जे इनें पैहलुएं दे सरबंधित अधिकारियें कन्नै जाँच कीती जा'रदी ऐ। इस महीने दी 10 तरीक गी दिल्ली दे लाल किले कश होए दे विस्फोट दे सिलसिले च कई डॉक्टरें दी गिरफ्तारी दे बाद अल फलाह विश्वविद्यालय जाँच दे दायरे च आई गेदा ऐ।

<><><><><><>

CIK-Searches

काउंटर इंटेलीजेंस कश्मीर (सी.आई.के) नै मंगलवार बड्डलै इक नमें आतंकी भर्ती मामले दी जांच दे सिलसिले च श्रीनगर, अनंतनाग ते कुलगाम सने घाटी च केई थाहें पर छापेमारी शुरू कीती। अधिकारिक सूत्रें दसेआ जे छापेमारी इक नमें दर्जे मामले कन्नै जुडी ऐ जिस च आतंकवाद गी बढावा देने, आतंकवादी हिंसा दा गुणगान करने ते महिलाएं गी आतंकी समूहें च भर्ती लेई कट्टरपंथी बनाने दी कोशिश करने दे आरोपी लोकें कन्नै जुडे दे मामले शामिल ना। सूत्रें दसेआ जे श्रीनगर दे शिरीन बाग स्थित सुपर स्पैशिलिटी अस्पताल दे अंदर बी तपाशी चला'रदी ऐ। एह कार्रवाई अदालत आसेआ जारी तपाशी वारंट तैहत कीती जा'रदी ऐ।

<><><><><><>

CM-Terror-Module

जम्मू-कश्मीर दे मुख्मंत्री उमर अब्दुल्ला होरें सफेदपोश आतंकी माड्यूल ते दिल्ली कार धमाके च शामिल सभनें गी सख्त कोला सख्त सजा देने दी वकालत करदे होई आखेआ कि असेंगी इस गल्लै दा बी ध्यान रखना लोडचदा जे बेकसूरें आम लोकें गी कोई परेशानी या नुकसान नेई झल्लना पवै। मुख्मंत्री होरें एह गल्ल नोगाम पुलस थाने च होए दे बम्ब धमाके च घाऽल होए दे लोकें दी अस्पतालै च डौल पुच्छने दे बाद पत्रकारें कन्नै गल्ल करदे होई आखी। उमर अब्दुल्ला होरें पिछले हफ्ते बी आखेआ हा जे दिल्ली च लाल किले कश होए दे कार धमाके दे कसूरवारें खलाफ सख्त कार्रवाई होनी लोडचदी पर इस गल्लै पर चेचा जोर दित्ता हा जे जम्मू-कश्मीर दे सभनें लोकें दे मत्थे पर आतंकवाद दा समर्थक होने दा ठप्पा नेई लाया जा।

<><><><><><>

Goyal-Leadership

उद्योग ते बपार मंत्री पीयूष गोयल होरें आखेआ ऐ जे भारत प्रौद्योगिकी ते नमिंए काहडें आहले क्षेत्र च अगुवाह भूमिका निभागा। नमीं दिल्ली च फिक्की दी 98मीं सालाना आम बैठक दे उद्घाटन समारोह गी संबोधत करदे होई गोयल होरें आखेआ जे सरकार बरे 2047 तगर भारत गी इक विकसित मुख् बनाने दे लक्ष्य गी हासिल करने आस्तै नमिंए काहडें गी प्राथमिकता देआ करदी ऐ। उनें इक समृद्ध ते विकसित मुख् दे निर्माण आस्तै सामूहिक जतन दे महत्व पर जोर पाया। गोयल होरें आखेआ जे कार्यबल गी सेई कौशल कन्नै लैस करना एहदे आस्तै बडा महत्वपूर्ण ऐ। उनें आखेआ जे भारत मौजूदा समें च दुनिया दी चौथी सभनें थमां बड्डी अर्थ बवस्था ऐ ते अगले 2 बरे मुख् गी त्री थाहर पर

पजाने च महत्वपूर्ण होगा। गोयल होरें आखेआ जे भारत नां ते कुसै शा हेठ झुकोग ते नां गै अपने राश्ट्र हितें कन्नै समझौता करग।

<><><><><><>

Prez. Water Security

राश्ट्रपति द्रौपदी मुर्मू होरें पानी दी दस्तयाबी ते सुरक्षा यकीनी बनाने लेई सभनें गी किट्टे रलिये कम्म करने दी अपील कीती ऐ। उनें इस गल्लै पर जोर दित्ता कि जलवायु परिवर्तन अज्जै दे समें च धरती पर जल चक्र गी प्रभावित करा करदा ऐ। नमीं दिल्ली च 6में राश्ट्री जल पुरस्कार प्रदान करदे होई राश्ट्रपति होरें आखेआ कि देश लेई पानी दा सलीके सिर इस्तेमाल कीता जाना बड़ा जरूरी ऐ। उनें पुरस्कार पुरस्कार हासल करने आहलें गी जल संरक्षण लेई उंदे जत्तें दी सराहना कीती ते आखेआ जे पानी दा महत्व समझदे होई एहदी कदर करना हा, कुसै दा फर्ज ऐ। राश्ट्रपति होरें आखेआ जे पिछले बरे शुरू कीते गेदे पानी दे संरक्षण आहले जनभागीदारी कायक्रम तैहत 35 लक्ख थमां मती पानी सरबंधी संरचनाएं दा निर्माण कीता गेआ ऐ। राश्ट्रपति होरें पुरस्कार जित्तने आहलें गी पानी दे संरक्षण आस्तै उन्दे आसेआ कीते जा'रदे जतनें लेई बधाई दित्ती। इस मौके पर जल शक्ति मंत्री सी.आर पाटिल, जल शक्ति मंत्री राज्य मंत्री होर बी मौजूद हे। बेहतरीन जिला, बेहतरीन ग्राम पंचैत, बेहतरी शैहरी मुकामी निकाया, बेहतरीन संस्थान, बेहतरीन विद्यालय ते बेहतरीन व्यक्तियें सने 10 श्रेणियें च 46 विजेताएं गी पुरस्कार दित्ते गए। महाराश्ट्र नै सर्वश्रेष्ठ राज्य श्रेणी च पैहली थाहर हासल कीती, गुजरात नै दुई ते हरियाणा त्री थाह पर रेआ। पैहली थाहर हासल करने पर महाराश्ट्र सरकार दे जल संसाधन मंत्री होरें आखेआ जे एह पुरस्कार प्रधानमंत्री नरेंद्र मोदी हुंदी परिकल्पना दे तैहत जल संरक्षण ते सिंचाई दे खेत्तर च लगातार जत्त दी दिशा च राज्य दे संकल्प गी दर्शादा ऐ। इस मौके राजौरी जिले दे डिप्टी कमिशनर अभिषेक शर्मा होरें गी जल संचय जन भागीदारी तैहत शानदार कारकरदगी लेई जल संचय जल भागीदारी सम्मान भेंट कीता गेआ।

<><><><><><>

Envoromment Minister

केंद्रीय पर्यावरण, वन ते जलवायु परिवर्तन मंत्री भूपेंद्र यादव होरें कॉन्फ्रेंस ऑफ पार्टीज- कॉप-30 दे कार्यान्वयन दे कॉप ते वादें गी पूरा करने दे कॉप दे रूप च याद रखने दा आह्वान कित्ता ऐ। उनें विकसित देशें गी मती जलवायु महत्वाकांक्षा प्रदर्शित करने ते अपनी प्रतिबद्धताएं दा सम्मान करने दा आग्रह कीता। श्री यादव होरें आखेआ जे 2005 दे बाद थमां भारत दी उत्सर्जन तीव्रता च 36 प्रतिशत थमां बढ़ दी गिरावट आई ऐ। उनें आखेआ जे गैर-जीवाश्म स्रोत हुन देश दी कुल बिजली स्थापित क्षमता दे अद्दे शा बढ़ आस्तै जिम्मेदार ना। एह राष्ट्रीय स्तर पर निर्धारित योगदान - एन.डी.सी लक्ष्य ऐ जेड़ा देश दे 2030 दे लक्ष्य थमां 5 बरै पैहले हासिल कीता गेआ हा। श्री यादव होरें एह बी आखेआ जे पेरिस समझौते दे उद्देश्यें दे अनुरूप देश च केवल 16 म्हीनें च समुदाय दी नेतृत्व आहली पैहल दे तैहत 2 अरब थमां बढ़ बूहटे लाए गए। शिखर सम्मेलन थमां बक्खरे श्री यादव नै हों उद्योग परिवर्तन आस्तै नेतृत्व समूह-लीड.आई.टी उद्योग नेताएं दी गोलमेज बैठक गी बी संबोधन कीता। इस मौके पर श्री यादव होरें औद्योगिक परिवर्तन च तेजी आहनने आस्तै मजबूत

वैश्विक सांझेदारियें दा आह्वान कीता। उनें गलाया जे सामूहिक प्रयास पेरिस समझौते दे लक्ष्यें गी हासल करने ते आने आहली पीढ़ियें लेई इक स्थाई भविकख बनाने च मदद करग।

<><><><><><>

Bihar-NDA

बिहार च एन.डी.ए दे नमें चुनोए दे विधायक कल पटना च अपने नेता गी चुनने आस्तै बैठक करंगन। 5 भ्याल दलें भाजपा, नजता दल युनाइटेड, लोक जनशक्ति पार्टी (रामविलास) हिंदुसतानी अवाम मोर्चा ते राश्ट्री लोक मोर्चा दे 202 एनडीए विधायक इस बैठक च हिस्सा लैडन। मुख्मन्त्री नितीश कुमार हुंदे बिहार च इक बारी परतिए एनडीए विधायक दल दे चुने जाने दी मेद ऐ। मगरा एनडीए विधायक दल दा नेता राज्य च नमी सरकार बनाने दा दावा पेश करोग। एहदे थमां पैहले भाजपा ते बक्ख-बक्ख बैठकें च अपने विधायक दल दे नेताएं दा चुनां करोग। एह बैठकां कल होने दी मेद ऐ।

<><><><><><>

PM-AP Visit

प्रधानमंत्री नरेंद्र मोदी होर कल आंध्र प्रदेश दे इक दिन दे दौरे पर रौहडनं ओह पुट्टपर्थी च भगवान श्री सत्य साई बाबा हुंदे शताब्दी समारोह च हिस्सा लैडन। इस दरान प्रधानमंत्री भगवान श्री सत्य साई बाबा हुंदे पवित्तर मंदर ते महासमाधि पर पूजा-अर्चना करडन। शताब्दी बरे दे सरबंधै च मोदी होर बाबा हुंदे जीवन, सिक्खेआएं ते उंदी विरासत गी समर्पित इक यादगारी सिक्का ते डाक टिकटें दा इक सेट जारी करडन। कार्यक्रम दरान प्रधानमंत्री होर उत्थे मौजूद लोकें गी संबोधि बी करंगन। मगरा प्रधानमंत्री होर तमिलनाडू दे कोइम्बटूर जांगन जित्थे ओह इक सम्मेलन दा उद्घाटन करंगन। इस दरान प्रधानमंत्री होर पी.एम किसान गी 21मीं किश्त बी जारी करडन।

<><><><><><>

Jaishankar-SCO

विदेश मंत्री डॉ. एस जयशंकर होरें आखेआ ऐ जे दुनिया गी आतंकवाद दे सारे स्वरूपें ते अभिव्यक्तिएं प्रति दना बी नेई बर्दाश्त करने आहली नीति अपनानी लोडचदी। रूस दे मैस्को च शहंगाई सहयोग संगठन-एससीओ दे शासनाध्यक्षें दी परिषद दी बैठक गी संबोधित करदे होई जयशंकर होरें आखेआ जे हाल दे बरे च आतंकवाद, अलगाववाद ते उग्रवाद दी स्थिति बदत्तर होई ऐ ते इनें खतरें गी अनदिक्खा नेई कीता जाई सकदा। विदेश मंत्री होरें आखेआ जे जलवायु बदलाव, महामारिएं ते लड़ाई कन्नै भरोचे दे मौजूदा समें च मानवीय सहयोग बड़ा महत्वपूर्ण ऐ। उनें आखेआ जे इक सभ्य राश्ट्र दे तौर पर भारत दा मजबूत विश्वास ऐ जे लोकें बश्कार आपसी आदान-प्रदान कुसै बी ईमानदार सरबंध दा मूल तत्व ऐ।

<><><><><><>

GST-Reforms

प्रधानमंत्री नरेंद्र मोदी हुंदी अगुवाई आहली सरकार आसेआ हाल च नमें जीएसटी सुधार लागू कीते गए। बक्ख-बक्ख क्षेत्रें च बीएसटी दर घट्ट करने दे कन्नै गै 2 सितंबर थमां जीएसटी उत्सव शुरू होआ। एहदे कन्ने मुल्ल भरै दे नागरिकें गी लाह होआ।

<><><><><><>

Sitharaman-Pre Budget

खजाना मंत्री निर्मला सीतारमण होंरें औंदे केंद्री बजट 2026-27 दे सिलसिले च स्टार्ट अप इकोसिस्टम कन्नै जुडे दे सरबंधी धडें कन्नै बजट थमां पैहले आहला बचार विर्मश कीता। बैठक च वित्त राज्यमंत्री पंकज चौधरी, आर्थिक मामलें सरबंधी मैहकमे दे सचिव ते भारत सरकार दे मुख् आर्थिक सलाहकार मौजूद हे। वित्त मंत्री होंरें एहदे थमां पैहले दिन च पूंजी बजार दे सरबंधी धडें कन्नै विचार विर्मश कीता हा। वित्त मंत्रालय माहिरें, उद्योग जगत दे शीर्ष लोकें, अर्थ शास्त्रिणं ते राज्य अधिकारिणं कन्नै हर बरे बजट थमां पैहले परामर्श आहिलयां केई बैठकां आयाजित करदा ऐ।

<><><><><><>

UN-Sec

संयुक्त राष्ट्र महासचिव एंटोनियो गुतेरेस होंरें बांगलादेश दी साबका प्रधानमंत्री शेख हसीना होंरें गी मौत दी सजा सनाए जाने आहले फैसले दा बरोध कीता ऐ।तोआई एमनेस्टी इंटरनेशनल नै बांगलादेश दी साबका प्रधानमंत्री शेख हसीना ते साबका गृह मंत्री असदुल्लज्जमां खान कमाल दी फांसदी दी सजा दी निंदेआ कीती ऐ। बांगलादेश दे अंतरराष्ट्री अपराध न्याधिकरण नै पिछले बरे होए दे छात्र बिरोध प्रदर्शनें कन्नै जुडे दे मानवता दे खिलाफ अपराध आस्तै उंदी गैर मौजूदगी च दोषी ठहराए जाने मगरा उनेगी मौत दी सजा सनाई। एमनेस्टी इंटरनेशनल दी महासचिव एग्रेस कैलामार्ड होंरें आखेआ जे एह फैसला नयाय दी गंभीर विफलता ऐ। एमनेस्टी इंटरनेशनल नै आखेआ ऐ ते एह फैसला निरपक्ख सुनवाई गी लेइयै गंभी चैता पैदा करदा ऐ। संगठन नै आखेआ ऐ जे पीडितें गी न्या दोआने आस्तै अंतरराष्ट्री मानवाधिकार मानकें मुजब आजाद, निरपक्ख ते पारदर्शी न्यायिक प्रक्रियाएं दी लोड ऐ नां की मौत दी सजा दी।

<><><><><><>

Bloch-Kidnapping

बलूचिस्तान च पाकिस्तानी सुरक्षा बलें आसेआ अपहरण कीते जाने दे बाद घटोघट्ट से कम 12 बलूच नागरिक कथित तौर पर लापता होई गए ना। केच ज़िले दी चार महिलाएं ते इक बुजुर्ग व्यक्ति कन्नै जुडी दी इस घटना नै पूरे प्रांत च जबरन गुमशुदगी ते धमकी दे बददे चलन गी होर बदाई दित्ता ऐ। इक मानवाधिकार समूह नै गलाया ऐ जे इस समूह गी तीर्थयात्रा पर जंदे समें हिरासतै च लैता गेआ हा ते अदू थमां ओहू नेई लब्बे। कार्यकर्ताएं चेतावनी दित्ती ऐ जे नागरिकें, खास करी महिलाएं ते बुजुर्गें गी निशाना बनाना इक बददी चिंताजनक प्रवृत्ति गी दर्शाता ऐ जेदी तुरत जाँच दी लोड ऐ।

<><><><><><>

IMD

मौसम विभाग नै ऐतवारें तगर आंध्र प्रदेश, केरल, माहे, पुदुचेरी कराइकल ते तमिलनाडू च तेज बरखा दा अनुमान जाहिर कीता ऐ। अंडमान ते निकोबार द्वीप समूह च किश थाहरें पर अज्ज गरज कन्नै हल्की बूदाबांदी होने दा अनुमान जाहिर कीता गेआ ऐ। छत्तीसगढ, पूर्वी राजस्थान, मध्य महाराष्ट्र, मध्य प्रदेश ते तेलंगाना च सीत लैहर चलने दी मेद ऐ। ताई राष्ट्री राजधानी दिल्ली ते आले-दोआले दे इलाकें च हवा दी गुणवत्ता बडी गे खराब श्रेणी च बनी दी ऐ।



Army Commander LoC Visit

फौज दी उत्तरी कमान दे अध्यक्ष लेफ्टिनेंट जनरल प्रतीक शर्मा होरें नियंत्रण रेखा पर घुसपैठ गी रोकने ते आतंकवाद दा मकाबला करने सरबन्धी कारवाइएँ गितै तैयारिएँ ते बंदोबस्तेँ दा जायजा लैने लेई उत्तरी कश्मीर दे बन्ने कन्नै लगदे इलाकेँ दा दौरा कीता। इक रक्षा प्रवक्ता नै जानकारी दिती जे दौरे दरान कमान अध्यक्ष होरें अगेत्रें इलाकेँ च तैनात बलें कन्नै गल्लबात कीती ते उंदी हिम्मत, दलेरी, निष्ठा, पेशेवराना सलाहियत ते देशभक्ति दे जज्बे दी सराहना कीती जेह्ड़े सीमाएं दी राखी लेई दिन-रात सौहार्द-सतर्क होइयै डटे दे रौहंदे ना। उनेँ सैनिकें गी आखेआ जे ओहू इस्सै जज्बे कन्नै अपनी ज्यूटी अंजाम दिंदे रौहन ते भविक्ख दिएं चुनौतिएं लेई तैयार नमिएँ तकनीकेँ गी अपनाने लेई प्रेरित कीता।

